



Анастасия Шомысова

ЗЭРӨМ БӨРЫН

Вөталі ме тэнө талун, Вөталі...
Войбыд енэжтісө тэкөд Лөбали.
Чуныкытшыяссө чуныянымө Пасьталім,
Медбөръяясыь өтка олөм
Казьтылім.

Анастасия ШОМЫСОВА

ЗЭРӨМ БӨРЫН

Кывбурьяс



Сыктывкар

Коми небӧг лэдзанин

2006

ББК 84(2Рос=Ком)

К82

Серпасалис *Л.Ю.Щербакова*

Шомысова А.А.

К82 Зэрём бöрын: Кывбурьяс. – Сыктывкар:
Коми небöг лэдзанін, 2006. – 48 л.б.

ISBN 5–7555–0865–8

Анастасия Шомысовалөн кывбурьясыс ра-
дейтчöм, Коми му да войвывса вөр-ва йылысь.
Быд кывбурын ясыда тыдовтчö шаня шогалöм,
шуд корсьöм. А ас му дорö гижысь шыасьö пыдди
пуктöмөн, быттьö корö отсавны, гөгөрвоны сійöс.

ББК 84(2Рос=Ком)

© Шомысова А.А., 2006

© Тимин В.В., составление, 2006

© Щербакова Л.Ю., оформление, 2006

ISBN 5–7555–0865–8

© Коми книжное издательство, 2006

* * *

Усис чунькытш... Усис юас...
Ылө-ылө визув нуис.
Юлөн сьөлөм босьтис сійөс,
Пөдіс муслун гыяс пиө...

Кельыд енэж. Нылыс пыжын.
Быдөн водзын сійө мыжа.
Ворсө визув синъяс пиын,
Ловтөм чунькытш абу кыын.

...Вөлі югыд бөрья шонді...
Бөрья төвру бандзиб шонтіс.
Ылөдз визув муслун нуис,
Босьтис нывлысь мичсө юыс...

Вөталі ме тэнö талун,
Вөталі...
Войбыд енэжтисö тэкөд
Лэбалі.
Чунькытшьяссö чуньяснымö
Пасьталім,
Медбөрьяысь öтка олөм
Казьтылім.
Лои тэныд енэжвывса
Гөтырөн.
Сөмын тайö ставыс –
Вөтын өд.

Кык юрлӧс пукті,
Быттьӧ эн и мунлы...
А шӧйӧвошӧм керкаыслӧн
Лолыс
Кӧдзалӧ...
И кевмыси,
Но, вӧлӧм,
Вынтӧм тунлы
Шоглунӧй синъяс вӧчалӧ.



* * *

Бөрдө өшинь дорын мамө.
Дыр нин шогалө.
Рытыс чужөмбансө сылысь
Нора окалө.

ПАЛЯЛІ...

Тöлыс швачкис чужöмбанö.
Олöмыс помасьлытöм дзуг.
Палялі.
Код нö, кодi танi?
Абу некод. Сёрмыссьöма тшук.
Сёрмыссьöма:
Зэвтчöма нин гөрöд.
Гөрöд: «Сувтлы, сувтлы, сувт!»
Мезды налькйö сибдöм шуд...
Но тэ эн сувт.
И ме эг сувт.

Ме локті...
Локті зэрём бёрын.
Ме шыаси...
И гөгөр ставыс нюмдіс.
И сералис.
И енэжланьыс корис.
И лолёй зэрём бёрын югдіс.

ПОМОСДИН

Мен эм мый казтыштны,
Кор куня мудзём син.
Ме уна пиысь бөрья
Сөмын тэнö.
И бөр на воа,
Кутшөм туй көть вена,
Тэ виччысь менö,
Муса Помөсдин.
Сэк пожөмьяскөд йөктыштам на ми!
Сэк донаяскөд казтыштлам на важсö!
Тан вөлі ставыс, вөлі би и йи...
Ми кыкөн төдам тэкөд кольөм гажсö.

ЛАЧА

Став кывьяссö нин шуöма да гижöма,
И чуйман кывйыс мирас эз нин коль...
Морт сьöлöм улöдз дойыс сідзи йиджсьöма,
Мый оз нин дойдав лыйöм лымья шоль.
Став помкасö нин корсьöма да аддзöма,
И оз нин дэльöд мортöс вөр-ва мич,
И бурыв-лөкывс öтув важөн гартчöма...
Но йöзыс олöны... А мыйла? Прöстö сідз!
Ме эска: абу ставлөн куньса синьясыс,
И уна пöвстад эм на Югыд Морт!
И медым сылөн жебиник на выньясыс,
Но коркö сылөн зумьдмас на борд...
Кор тайö мортыс эзысь борднас öвтыштас –
Сэк Муын ловзяс долыдлун да шуд.
А лөкывс-нокывс? Мортыд найöс кöвтыштас
Да нуас сэтчö, кöни олөм руд...

НУ МЕНӨ

Ну менө, шондйй, тась...
Важөн нин сьолөмөй дась.
Нюжөда шондлань ки,
Кытчөкө-й мөдөдчам ми...

Ну менө, лым сора вөт.
Сьолөмөй көдзыдөн пөт.
Дзескыд тай өтнамлы тан,
Выль мөвпьяс важөн ог пан.

Ну менө, шөпкөдчысь зэр,
Сэтчө, көн некод оз нер.
Сэтчө, көн пемыд оз дур.
Сэтчө, көн сьолөмлы бур.

Ну менө, ворсөдчысь шор...
Аддзан, ме жугыль, ме нор?
Көні тэ, Тувсовья му,
Кодос ме өнөдз эг су?

Дзикөдз пемдiс. И кусiсны бияс.
 Öти öшиньын дыр на оз кус...
 Менам öшиньын черань вез сiяс,
 Войся мөвпгясöй тшыналан бус.

Мый ме корси, ме бара эг аддзы.
 Аски сюрас ли, оз ли, ог тöд...
 Шойчча лунсьыс. Вой пемыдкөд гартчи.
 Менам син водзын сьöd, пемыд, сьöd...

Мый ме корся? Мем лолöй оз висьтав,
 Гөгөрвотömөн сьölömöй тыр...
 Корся нинöмсö, синваöс кисьта,
 Муна корся, мед сьökыд...
 Мед дыр.

Паныд петöй тi няньöн да солөн
Сэк, кор ылісянь гортланьö воа.
Дона му! Муса му! Тани бара...
Тани выльысь ме шудаён лоа.

Локтан лунö эн лосьöдöй пызан,
Энö пелькөдöй-лосьöдöй жырьяс.
Сöмын нюмдöй да паськөдöй чышьян,
Медым Му вылас водисны сырьяс...

Дона козинсö пельпомö пукта,
Муна-кытшовта вөрьяс да юяс.
Öкта чышьянö дзоридзьяс, öкта...
Пöся кутыштла ю дорысь пуяс.

Выльысь туйыс кор ыліö корас,
Мунтөдз видз вылас бара на пышья...
Дона Мукөд ме янсөдча гусьөн,
Нуа аскөд ме сырьяса чышьян.

Зарава кодь муслунён тэ юктөдін...
Юмов көрсьыс дзикөдз коддзис юр.
Унаысь нин синмён Мусё кытшовті,
Гөгөрвои: тэ кодьыс оз сюр.

Мелі шыа сьыланкывйён ланьтөдін,
Шоныд бордьяс улын колис вой.
Татшөм ёна некодös эг радейтлы,
Сыліс тэнад сывйын кынмөм дой.

Тувсов шуда видзөдласөн садьмөдін.
Вөрсә ёль кодь шуин мелі кыв...
Некодös ме татшөма эг радейтлы!
Тэ дорын кын сьөлөм вый кодь сыв...

Асывнас дзоридзалысь льёмйыс
Öшиньö гольöдчас-вартас.
Шондйлөн яндысьысь рöмыс
Ыпнитас, быттьöкö сартас.

Öдзöсö гольöдчас тöлыс,
Синвасö му вывсьыс косьтас,
Вöзйыяс томана жырйö,
Сöмын тай некод оз восьты...

Менам нимой тэнсьыд ним оз вевтты,
Öд бордой абу тэ кодь вына – жеб.
Но сийос, мыйон оло менам сьолөм,
Ме йозысь некор, некор дзик ог дзеб.
А вочасон и менам бордой ёнмас,
Но откодясьны тэкөд ме ог мөд...
И лэпта бордыяс. Енмөн сетөм бордыяс...
И гөгөр лоо югыд, а оз сьөд.

ЭГ ЧАЙТ

Тёпкис самоварысь ва,
Мыйкө висьталіс.
Босьті чашкаяс да тшай
Нао кисьталі.

Талун бара отнам ме
Войсө коллялі.
Сөмын көнкө ылын зэв
Вой төв омляліс.

Мыйла кисьті унджык тшай –
Эг и мөвпав ме.
Гашкө, сорси да эг чайт,
Мыйла мунін тэ.

Руд синьяса апрельыс нем эз тӧд...
А сӧмын бӧрдис, гусьӧникӧн бӧрдис.
Дзор тулыс. Быттьӧ нэмӧвӧйся вӧт...
Но муна ме... И муно мекӧд вӧтыс...

А сэн, апреляс, вӧлим тэ и ме...
И бордтӧмӧсь, и ловтӧмӧсь... Но помӧдз,
Помӧдз эгӧй гӧгӧрвоӧй ми,
Мый руд апрельыс аски оз на помась.

Оз помась... Муыс ӧта-мӧдтӧг дзор.
И майшасьӧ, и висьӧдчӧ, и бӧрдӧ...
И кор он лок, и дыр он шыась кор,
Руд луныс пӧрӧ сьӧда-еджыд вӧтӧ...

...А шог апрель сідз нинӧм эз и тӧд,
Руд синва дзирднас нинӧм эз и висьтав...
И мунис мекӧд нэмӧвӧйся вӧт...
Апрельыс колис. Шогсӧ муас кисьтис.

Кусом сисьяс дука төлыс вунө...
Чайтсьө, мөдысь некор нин оз во.
Төлыс вичко руөн сылө-мунө,
А ме сылы эскысьөн эг ло...

Ветлі вичко пыдди еджыд төлас.
И эг пөрчыв юрысь чышъянтор...
Лымья пелысь розыс сиськөн вөліс,
Кевмысьөмсө лыддис турөб гор.

Енколанас рөмтөм енэж вөлі.
Сьылөм пыдди помся лөвгис төв...
Мыйла тайө вичкоас и волі?...
Ме өд төвлы эскысьөн эг вөв...

ТЭКӨД ОРЧЧӨН

Дзугсьыштöма юрсиыд. Узян.
Видзöда ме тэ вылö. Гусьөн...
Синлысьястö окыштöма войыс,
Ылалöма лунся сьöкыд дойыс.

Баньяс дiнад инмöдчöма пемыд.
Татшöм лөнъ-ö тэнад эськö нэмыд?
Быттьö кага бöрдöмьясысь шойччан.
Тэнö бурöда, öд талун тэкöд орччөн.

Вомдорьястö малалыштö лөнъыс,
Миян шудлөн чöд тусь рöма вөнъыс.
Тавой шöпкöдчышта тэкöд гусьөн-гусьөн,
Мед он кыв. Мед чöскыда тэ узян.

Сьёлём муслун йылысь гижö...

Лолöй арся войö йиджö.

Пемыд войыс югзьö, ловзьö.

Мича кывъяс думысь корся.

Сьёлём чужысь муслун кылö.

Арся войö югьд сьылан.

Öшиньясыс быттьö синьяс куньсьöны.
Войыс лöнькöд сэнi шöйтö-ветлö.
А ме тайö нинöм тöдтöм кусöмас
Ассьым лолöс пемыдыслы сета.

...Кöнкö-й тэнад öшиньясыд куньсисны...
Войыс мудзöм кымөр мозыс öшйис.
Аддзысьлыны миян войяс көсьисны,
Сöмын туйыс пемыдланьыс пышйис.

Миян войяс öта-мöдсö корисны,
Ньöжйöникөн кусласисны бияс...
Кынмалісны корьяс, корьяс вöрисны...
Гажтöмтчисны миян синьяс... Кияс...

Тэнö, Мусаöс, окалас асылыс,
Лöзов рöмъяснас югзьöдас мыгöртö.
А ме синваöн öдзöсöс тасала,
Мыйла виччыся тэнсьыд сöдз югöртö.

Тэнö, Меліöс, садьмöдас шондыс.
Ясыд енэжыс нюмъёвтас чолöмөн.
А ме вöтъясын кольöмас косавла,
Кольö асылыс тэланьö волöмөн...



Шондіыс енэжө кырымпас колис.
Вуджөр моз матыстчис сиктланьö вой.
Öтарö мөвпьясын кольöмыс долис:
Вошліс да мыччысьліс домавтöм дой.

Помасьтöм норлунысь менö эн дивит.
Тэтöг мен мөвпалысь войясас нор...
Здук кежлö волан. И нэм кежлö мунан...
Бергöдча. Вошан... А косöдны сёр...

Сёр... Тэнö бара нин дзебöны туйяс...
Ме пыдди воывлö чöv олысь зэр...
Талун тшötш мөдöдчи зэрьяскöд туйö.
Тэ дінö локта. Эн öтдорт руд сер.

БӨРДӨНҮ ӨШИНЬЯС

Бөрдөны өшиньяс. Инасьтөм зэр
Бара на ывласө нерө.
Видзөда өшиньё. Нинөм ог кер.
Бытьёкө сьөлөмын зэрө...
Некодос зэрьяссьыс важөн ог корсь.
Шогпырысь бергөдча бөрө.
Водзын сё тшупөда аддзывтөм кось,
Коді лөз тшын пиын вөрө.
Өтнамөн... Водзө ни бөрө ог мун...
Некодлы инавтөм сьөлөм...
Зэрыс кузь юрсиа, руд синма тун,
Тэнө мен туналө вөлөм.
...Мунисны луньяс. А сувтөдтөм зэр
Бара на кодөскө нерис.
Бара на өтнамөн. Нинөм ог кер.
Бара на орччөн кузь зэрыс.

Сотчөм туруныс сьöd.
Сотчөм туруныс мисьтөм.
Тэнад мунöмыд вöt.
Совсö дой вылö кисьтөм.
Сотчөм туруныс лөг.
Сотчөм туруныс висьöм.
Бара помасьлытөг
Зэрыс пемыдас киссьö.

Бара тэныд ме нинөм эг шу...
А тэ жугыля видзөдін синмө.
Бара мунан... И лигышмөм му
Шөри потө. И көдзалө-кынмө.

Мырддьө ме дінысь тэнө дзор туй.
Мырддьө вой, мырддьө лун, мырддьө асыв...
...Мезді. Мезді... Мед йирас ог уй,
Гусьөн лок. А ме кильчө ог тасав.

Сэки паныд ме нинөм ог шу...
А тэ меліа видзөдлан синмө.

Кодикö чужöмö печлалис лымсö,
Садьмөдис сьөлөмлысь вугыртөм дой.
Лэдзалөм юрсиа мөвпалысь нывсö
Гусялис сьод синма шогалысь вой.

Гусялис-пышйөдис, нинөм эз юав:
Кодлөн да кытысь лөнъ ныв.
Горөдис нылыс: «Ме тэ дон ог сулав!»
Сөмын горш войыс эз кыв.

Бергөдлис-нуис да кытчөкө колис...
Мөвпьяссö гусялис кельыдлөз төв.
Өтнасөн бергөдчис гортланьыс войыс,
Лэдзалөм юрсиа нылыс эз вөв...

Кор тулыс мөдас сывны сьыланкыв,
Сэк югыд енэж помтөм синъяс восьтас,
Кын сынөд сывдас мелі-мелі сыв
И менө сэтчө лөня корас-босьтас.
Ак, тулыс! Мыйта козьнавлі ме вын,
Мед выльысь тэнад сывъяд здук көть
овны!

Ок, кымын вөлі туй... И ставыс кын...
И велалі ме көдзыд төвсьыс повны.
Ен вежа тулыс, сыв на, сыв на, сыв...
Тэ кылан? Тэнө пидзөс вылын кора!
Ме тэнад, тулыс!
Тэнад вильыш ныв...
И та вөсна ме радейта да кора...

«Тулыслөн доныс вошөм шайт...»
Тадз эн шу.
О, кутшөм сійө дона!
Эг тай гөгөрво и эг тай чайт,
Кутшөма мен мусмис сійө, ёна...
Лөзов... Сөдз...
Тулысылөн доныс помтөм-дортөм...
Вошөм морт... И нинөм нин он вөч.
Сійө, кодлы тувсов кадыс ковтөм.

МЕДВОДДЗА ЗЭР

Бара тай ме динö воин,
Шөвктугйöй, медводдза зэрöй.
Меддона гөсьтөн тэ лоин,
Шоныдöй, мусаöй, нэрöй...

Вашкөдчысь шыяссьыд ёна
Важөн нин бырöма гажöй,
Мудзмөн нин, мудзмөн нин, мудзмөн...
Виччыся ме тэнö важөн.

Эска, мый сьөлөмöй бурдас,
Зэригас сөстөммас лолöй,
Зэр чутьяс, зэр чутьяс, зэр чутьяс...
Волöй на, волöй на, волöй...

КЫВБУР

Кывбур тэчнысö ышöдö тувсовья төв,
Велöдö.
Мөвпыс мыччыслас-пышьяс, быттьö эз вöв,
Дэльöдö.
Бөрья кывьяссö шöпкөдö мудзыштöм рыт,
Вашкөдö.
Воас ме бöрын ылöдчысь-шензьöдысь вой,
Гашкө да...
Колан кывьяссö корсяла-артала ме,
Лөсьöда.
Ассьым сьөлөмöс кывьяснас-мөвпьяснас ме
Пөсьöда.
Сöмын артмас ли оз? Ачым ог төд...
Надейтча.
Сійö кыв пыдди колöма, колöма мөд...
Каитча.
Медым ойдас, мед паськалас кывбурлөн от
Олöмас.
Сылөн шыяскөд вошас да разалас мед
Полöмыс.

ЭН ГӨГӨРВО...

Тэ эн гөгөрво, мыйла ме жугыль,
Тэ эн думыштлы, мый вöсна норми,
Синнад казялiн: важөн мен сьökыд,
Сöмын мыйла тэ юавны сёрмин.

Но, а ме... Ассьым сьөлөм эг восьты.
Эг тай куж. Тэнад синмад эг видзөд.
Сира гезйөн шог мөвпьясöс кутi,
Тэнсьыд сьөлөмтö дойөн эг шызьöд.

...Öнi сьөлөмын овмөдчис полөм:
Гашкө, висьтасьны тэныд ме сёрми?
Эн и гөгөрво, мыйла ме жугыль.
Эн и гөгөрво, мыйысь ме норми.

Кынмөм муас дзоридзьясыс усисны.
Эз нин некод найös лэпты. Эз.
Енэжтасас кодзувьясыс кусисны,
Эз тай некод выльысь öзты. Эз.

Көдзыд рытыс сьөлөмөдзыс нормөма:
Некод мирас некодлы оз ков...
Аддзысьнысö Енкөд мортыс сөрмөма.
Гашкө, сылы овнысö нин сөр?



Тайö керкаас некоді абу и локтöма.
Чусмöм öшиньыс югыдсö абу и содтöма.
Письтöм йиркöдыс зэрьясыс гöсьтитны волöны.
Руа сынöдас аскöдныс майшасьны корöны.

Кымын рöмпöштан тани со жугалис-пасьмуніс.
Кöть и видзöдны наö ме нэмьяс чöж дась вöлі.
Татчö кольöма шуштöмлун, кольöма полöмыс.
Тайö керкаас очсалö вой...
Абу олöмыс.

КЕВМӨМ

Ме сёодысь нин чөвта пернапас,
Мед радейтны ми олём помөдз кутам,
Мед, кызд и өні, кияс кыын кутам,
Мед олёмас ми колям шуда пас.

И кевма, медым тэныд вөлі бур,
Мед менам биысь босьтін аслыд шоныд,
Кузь олём туяд медым вөлі долыд,
Скөр төлыс медым тэ гөгөр эз дур...

И ыджыд шуд кө сетас тэныд Ен,
Ме тэнад шудөн ачым шуда лоа.
Ме тэкөд өтув, гашкө, райө воа,
Көн абу лөжыс... Абу зык да вен.

Ме пукси пыжӧ, но эг кылав,
Лӧнь юыс некытчӧ эз ну...
А рытыс сэтшӧм, сэтшӧм мыла...
А весьтын лым кодь еджыд ру.
И паныд лӧньлун видзысь бадьяс,
И кӧнкӧ водзын енэжтас,
Со йӧктысь номйыс меным радлӧ,
Мем тані бур, тан ставыс ас...
Ме пыжын, быттьӧ аслам гортын,
И пелыс некутшӧм оз ков,
Тан ваыс-муыс шусьӧ ёртӧн,
Тан ов да выв. Тан ов да ов...

МУНЫСЬ ГОЖОМ

Бөрья шондiөн чöсмасьö гожом,
А ме пыр на со, пыр на со узи...
А ме сöмын на, сöмын на садьми,
Вөлөм, гожöмыс пышйö нин гусьөн.

Кисьмөм августыс менсьым оз юав,
Сöмын мунö, и мунö, и мунö...
Мыйла, гожöмöй, дырдзык эн сулав?
Нинөм казтьывны. Бөрьяыс вунö...

Кöть и дугдывтöг доля ме, доля:
Тэрыб гожöмöй, крукасьлы-сувтлы!
Тöда öтитор: гожöмыс коли...
Видлы шоныдсö кöвтöмөн кутны.

ГӨГӨРВОТӨМТОР

Менам гөгөрвотөмторйой, менам дойой,
Менам кельыдлөзас мунөм муса мортөй,
Менам арся мойдөй, пемыд войой,
Бара ме динө тай вошис тэнад ордым.
Бара миян весьтын гудыр кымөр письтіс,
Бара зэрсьыс юрө кутчысьөмөн муні...
Мыйла зэрыс дойсө юасьтөгыс кисьтіс?
Коді мыжа? Вуні, вуні, вуні...
Менам гөгөрвотөм кодзув, менам сьөлөм...
Мыйла кельыдлөзас мунін, ылө-ылө?
Сэтшөм сьөкыд вөлөм.
Тэтөг сьөкыд вөлөм.
Бытьё ори кыткө, ори кыткө, кылө.

ЛОНЬ

Лонь...

И ме бара нин, видзодтө, отнамөн,

И ме бара нин, видзодтө, тэтөг.

Сьökыд думьясös сьөлöмысь вötлан-ö?

Рытыс кузь. Сийö тэтөг да метөг...

Рытыс завидьтö тöрытья рытыслы,

Коді миянөн озыр тай вöлі...

Кытысь усьліс сэк муслуныс? Кытысь нö?

Тöрыт рыт бöрын шогся ме чöла...

Сэтшöм лонь... А ме отнамөн. Мövпала.

Курыд мövпьясысь сьөлöмöй висьö.

Кывзам лоньыскöд воськовтö-локтöмтö,

Сöмын сы пыдди корьяслөн киссьöм...

ТЭ СӨМЫН ЛОК

И шонді нюмдас тэд да мен,
И бырас Му вывсьыс став вен.
И пышгъяс дой да сылас шог...
Тэ сөмын лок, тэ сөмын лок.
И чужас лысва дзирда вөт,
Зэв дона вөт, зэв мелі вөт.
И олөм нюмдас. Вошас нок.
Тэ сөмын лок, тэ сөмын лок.

ЭСКА

Тэ кёнкё эм...
Ме радейта да эска!
Но өткалунысь сьёлём йи кодь кын.
Ме пыр на виччыся,
Тэ меным абу веськодь...
Но шуны тайёс абу нин тай вын.
А тэтөг сьёлём дзикөдз чорзьё-кынмё,
Кор корёмыслы воча –
Шы ни төв...
Ме өткалунас йи улё моз йорма,
Но мездыся на уна-уна пөв.
Эн кынты сьёлём.
Воча кыв вай ловлы.
Ме көсья олыштны на.
Олыштны на...
Овны.

ТӨЛӨЙ

Вунөм, помасьтөм-висьтавтөм мойдөй,
Бара тэнө ме шогсьөмөн дойді,
Бара лөнълунтө корсьөмөн торки,
Тадзи вөлі, и лоө на коркө.
Тадзи лоө. Көть ог нин ло эськө.
Лоас туй, коді сөстөм да веськыд.
Кусас сись. Коляс помавтөм гижөд,
Код оз чусмы, оз важмы, оз вижөд...



Восьса өдзөсьяс... Некодлы ковтөмөсь...
Тöлыс ветлөдлө өтарө-мөдарө,
Кусөм бияс. И жырьясыс лөвтөмөсь.
Восьса өдзөсьяс. Отарө-мөдарө...
Нитшкыс ортсыас еждөма-дзормөма,
Югыз өшиньыс рудмөма-пемдөма,
Тайө керкаас көдзыдыс рөдмөма,
Сувтөм олөмлөн лолыс тай пөдөма...

ТЭНАД КИЯС

Өмидз рөмөн вежсьö ывла,
Алөйгөрдөн гөгөрбок.
Матын шудлысь горсö кывлі,
Сöмын ме дінö эз лок.
Еджыд төлыс лым чир вайис –
Сійöс сывдіс менам ки.
Кытчö шудöй сыліс-кайис?
Мыйла кусіс сылөн би?
Но ог шу, мый дзыкөдз шудтөм.
Эз на сьөлөмөс дор йи.
Вөтын пыр на, пыр на кута...
Аслам кийн тэнсьыд ки.

МӨВПЪЯС

Ме тэнö радейта...
А, колөкө, и ог?
Но мыйла век жö тэтөг сьолөм висьö?
Вай луд вылө, вай ме дорö тэ лок,
Öд менам синва тусьöй ньöжйөникөн киссьö.
Но мусаөн ме тэныд ог нин ло,
Көть ёртьясөн ми лоим зэв нин важөн.
И ылі муö тэ бөрся ог во –
Öд олөм тэнад, ме серти, зэв гажа?
...Ме тэнö радейта.
А, колөкө, и ог.



ЮРИНДАЛЫСЬ

«Усис чунькытш...»	3
«Вөталі ме тэнө талун...»	4
«Кык юрлөс пукті...»	5
«Бөрдө өшинь дорын мамө...»	6
Палялі...	7
«Ме локті...»	8
Помөсдін	9
Лача	10
Ну менө	11
«Дзикөдз пемдіс. И кусісны бияс...»	12
«Паныд петөй ті няньөн да солөн...»	13
«Зарава кодь муслунөн тэ юктөдін...»	14
«Асывнас дзоридзалысь льөмйыс...»	15
«Менам нимөй тэнсьыд ним оз вевтгы...»	16
Эг чайт	17
«Руд синьяса апрельыс нем эз төд...»	18
«Кусөм сисьяс дука төлыс вунө...»	19
Тэкөд орччөн	20
«Сьөлөм муслун йылысь гижө...»	21
«Өшиньясыс быттьө синьяс куньсьөны...»	22
«Тэнө, Мусаөс, окалас асылыс...»	23
«Шондыс енэжө кырымпас колис...»	24
Бөрдөны өшиньяс	25
«Сотчөм туруныс сьөд...»	26
«Бара тэныд ме нинөм эг шу...»	27
«Кодікө чужөмө печлаліс лымсө...»	28
«Кор тулыс мөдас сьывны сьыланкыв...»	29
«Тулыслөн доныс вошөм шайт...»	30
Медводдза зэр	31
Кывбур	32
Эн гөгөрво...	33
«Кынмөм муас дзоридзьясыс усисны...»	34
«Тайө керкаас некоді абу и локтөма...»	35
Кевмөм	36
«Ме пукси пыжө, но эг кылав...»	37
Мунысь гожөм	38
Гөгөрвотөмтор	39
Лөнь	40
Тэ сөмын лок	41
Эска	42
Төлөй	43
«Восьса өдзөсьяс... Некодлы ковтөмөсь...»	44
Тэнад кияс	45
Мөвпяс	46

Литературно-художественное издание

Анастасия Александровна Шомысова

ПОСЛЕ ДОЖДЯ

СТИХИ

На коми языке

*Составитель В.В.Тимин
Художник Л.Ю.Щербакова*

*Редактор П.И.Симпелев
Художественный редактор В.Б.Осипов
Корректор В.Н.Зварич*

Подписано в печать 17.04.2006. Формат 70×90¹/₃₂.
Гарнитура «Коми Times». Печать офсетная.

Усл. печ. л. 1,755 Уч.-изд. л. 2,0 Тираж 500 экз. Заказ № 11572.

Коми книжное издательство.
167982, г. Сыктывкар, ул. Карла Маркса, 229

Отпечатано в ОАО «Коми республиканская типография»
167982, г. Сыктывкар, ул. Первомайская, 70



Анастасия Шомысова чужис
Кулөмдін районса Помөсдін сиктын.
Кывбуръяс гижны босьтчөма 13 арөссиянь.
Медводз йөзөдчылөма ас районса
“Парма гор” газетын, сёрөнджык
“Войвыв кодзув” да “Арт” журналъясын,
“Коми му” да “Йөлөга” газетьясын.
Сыктывкарса университет помалөм бөрын
уджалө корреспондентөн
Коми республикаса телеканалын.

Коми небөг лэдзанін
2006